



**BIENESTAR**

SECRETARÍA DE BIENESTAR



**imjuve**

Instituto Mexicano de la Juventud



INSTITUTO ELECTORAL DE MICHOACÁN



Instituto Nacional Electoral



**INPI**

INSTITUTO NACIONAL DE LOS PUEBLOS INDÍGENAS



Secretaría de Educación  
GOBIERNO DE MICHOACÁN



TRIBUNAL ELECTORAL DEL ESTADO DE MICHOACÁN



COMISIÓN ESTADAL DE LOS DERECHOS HUMANOS  
MICHOACÁN



Instituto de la Juventud Michoacán  
GOBIERNO DE MICHOACÁN



INSTITUTO DE LA JUVENTUD MORELIANA  
Morelia 2021-2024

# ANDAPERAKUA NACIONAL DE DEBATE INTERCULTURAL KA COLECTIVO

INTERNET JIMBORI 2021

*P'IMARHIKUA  
INCHAMUKUTICHARI*

Ambe engaksi uka uni Instituto Mexicano de la Juventudirhu anapucha (IMJUVE) jindesti, p'achakuni, uaxastauani ka arhistakuuani esikaksi uka mamaru jarhati juramutarakuehani pariksi uatsi ka tumbicha janhanharhinhaka esika naki uekini k'uiripu ma, esika xani niatakua jatsisikajtu pari mexikuni orhepani petani.

Ka jarhojpinijtuksi andanguni iamendu ambe enga xani uetarhini jaka agenda 2030rhu, enga tumbi ka uatsicha xani uetarhinchajka pari sesi janhasikani, ka janhanharhinhani esika k'uiripucha, jimboka kangurhiuaka k'uajpirarantskuechani, jarhojpiticha pari sesi uaxastani kaskukuechani engaksi terukuntajka mamaru jarhati uaxastakuechani enga marhouaka mojtakukuantani irekuani.

## UANDAPARINI

Esika debate jindesika pari mojtakuni ka eratsintani ambe enga uetarhijka ka enga na uetarhija uni iamindu institucionicharhu ka nesi uetarhijki uni. Esika uandontskurhikua p'iskuntasinga iasi anapu kunkurhikatari janhanharhikuechani. esika Uandontskurhikua p'inderauasinga pari uatsi ka tumbicha sesi uandani ka eratsini. Esika mamaru jarhati eratsikuecha marhosinga pari janharhparanhani ka kurhagustsperanhani mamaru jarhati p'indekuechari ambe, janhanharhikupariuani mendaruni jarhatichani ka mendaruni janguachani, jarhojpiparini sesi jantskani pari iamenducha sesi arhijperani nanaka ka tatakacha. Esika majku xasi erakua marhosinga k'uiripuchani majku kundauantani, notaru jindijkuchani seserakurhinhani ia, isi uandasindiksi:

## P'IMARHIJPERAKUA PARI INCHAMUTANI JURADUNI 2021RHU

Jirinhantatiksi 12 k'uiripu jameri engaksi juesiuaka tataka o nanaka engaksi kurhajchauaka ka kurhamukuuani uandontskurhitani, enga jimajkani ukuarhiaka esika na uandarini jaka ia Intituto Electoral de Michoacán "IEM" isi jupindakurhiparini:

**P'IMARHIKUA  
INCHAMUKUTICHARI**

# ANDAPERAKUA NACIONAL DE DEBATE INTERCULTURAL KA COLECTIVO

INTERNET JIMBORI 2021

P'IMARHIKUA  
INCHAMUKUTICHARI



**BIENESTAR**  
SECRETARÍA DE BIENESTAR

**imjuve**  
Instituto Mexicano de la Juventud

**IEM**  
INSTITUTO ELECTORAL DE MICHOACÁN

## I.- Marhu NA ENGA UKURHIKA

### I p'imarhiiperakua tsimaxanharu jimbo ukurhiti:

- **Local**, engu ukurhika andaperakua debatchari, engaksi k'uiripucha gobiernu electoralirhu anapucha uka, ka estatalicha de juventud ka Consejo ciudadano, de Seguimiento en Políticas Públicas tumbi ka uatsichari, engu na p'itaraka estaducharhu engu ukurhika andaperakua.
- **Nacional**, engu ujka Instituto Mexicano de la Juventud, engaksi inchamukuka tumbi ka uatsicha engaksi andaka orhetarhu pikakuka iamindu andaperakuacharhu engu na ukurhika localirhu anapu. No uti karakurhini xu tsimorurhu, ka nojtu uti maandari intskuni o intsimi pari mataru pakarani imari jimboenga ambeandari nouka nirani.

## II.-Tsimanirhu NIATAKUA

Utiksi inchamukuni adaperakuarhu tumbi ka uatsicha mexiku anapucha engaksi 12 ueurhini jatirika ia ka 29 ueurhini jamberi engaksi jimajkani andangutaka engu i p'imarhiiperakua nacional mikurhintaka, ka engajtuksi mexiku irekakaka imani estaturhu engu jimbo inchamukuka.

## III.- Tanimurhu

### NA ENGA ANHAXUTAKATA JAKA NITAKUARHU

I p'imarhiiperakua erauasti esikaksi inchamukuka uatsi ka tumbicha; t'apuru arhukukata jimbo:

- **Arhukurhita A: 12 ka 15 ueurhini jatiricha.**
- **Arhukurhita B: 16 ka 19 ueurhini jatiricha**
- **Arhukurhita C: 20 ka 24 ueurhini jatiricha**
- **Arhukurhita A: 25 ka 29 ueurhini jatiricha**

Ts'inde isi peranhati na engaksi jatirika jimajkani engu mikurhintaka ia nacionaliri p'imarhiipekua.

## IV.- T'amurhu

### AMBE ENGA UETARHIKA KARAKURHIKUARHU

a) Tumbi ka uatsicha engaksi xani uekaka inchamukuni anaparakuarhu engu entidades ferativacha jimbo ukurhiakaksi, jindichangu karakurhitiaksi ini locali andaperakuarhu ka uetarhiti esikaksi andagutaka arhini iamindu ambe:

- **Nacionalidad Mexicanarhu anapuni.**
- **Jatirini 12 ka 29 ueurhini jamberi, engu mikurhintaka p'imarhiiperakua.**
- **Irekani entidad federatarhu, naki uekini estadu jimbo.**
- **Ichamukuni. (xe na jatini ukurhi ch'iti estadu jimbo)**
- **Exauani xiranda karakurhitarakuechani ixi**

<https://forms.gle/ZayqJ6kg1uzfRPPa6> arini ambe:

- Identificación Oficial
- Comprobante de domicilio
- Acta de nacimiento o carta de naturalización
- Fotografía colorari o turhipiti urapiti jingonien engu iasi tanimu kutsi jimbo isi p'itakurhikataka.
- Currículum vitae arhikata (iasí ukata)
- Clave Única de Registro de Población (CURP).

b) Engu ambe sandaru sapichuaka esika 12 ka 17 ueurhini jatiricha, uetarhiti esika paka sesikua karakata ka firmarikata tati o nandi jemari, tsimarhaniri o ne engu jingoni irekani jaka, esikaksi j'okurhika iamindu ambe engu na jatirini jaka p'imarhiiperakuarhu pari inde tataka o nanaka sapichu uni inchamukuni iamindu andaparakuacharhu (sesikua karakata)

Uetarhititu esika intsipika credencialini o credencialchani votaritarakuani, engaksi marhojkataru, tsimoru p'itanharhikukatacha, imachari ne engaksi firmarikata. Engu ambe imauaka engu inde sapichu jingoni irekani jaka, uetarhiti xiranda ma engu arhika andisi imani jingoni irekani jaki.

c) Pari inchamukuticha engaksi k'eratika ia, uetarhiti esikaksi intspika identificación oficialini (INE, Pasaporte, etc).

d) Comprobante de domicilio engu notki nitamaka tanimu kutsi anapuni jimajka jamberi engari exaka xirandachani. Engu ambe inchamukuti nanaka o tataka, niuaka jorhengerhina mataru estadu jimbo, uetarhi esika xerpini xiranda engu iamindu materiacha jukanharhika ka credenciali jorhengerhikuarhu anapuni, pari uni comprobarni imari domiciliioni.

e) Kanikua jukaparhakuasti arhiuani imachani engaksi andapka 2013 ka 2018 jameri "Debate Político" esikaksi uka mendaru inchamukuni joperu notarhu jima engaksi inchamukupka ka andani.

f) Noksi uti inchamukuni ini p'imarhiiperakuarhu gobiernuri anchikurhitiha nanaka o tatakacha, isi uandasindi arhujtarhu 108 Constitución Política de los Estados Unidos Mexicanos, engaksi jamakajtu jarhojpini Comité Organizador Nacionalirhu, ka engajtuksi jamaka Comité Organizadorcharhu localircharhu.

g) Na engu jatini uetarhija karakurhini pari inchamukuni adaperakua localirhu, **diciemri jimbo 10 jurhitikua ueurhini 2021 ka 23 jurhitikua jamberi eneru jimbo ueurhini 2022, isi esika na uetarhijka ka arhijka institucionirhu anapu eratsikuacha engaksi etsakuka plataforma oficialicharhu. Karakurhikua interneti jimbojkuuati ixi:** <https://forms.gle/ZayqJ6kg1uzfRPPa6>

Ukurhiti localicharhu **29 eneru jimbo ueurhini 2022**, uenakurhiti 10 atakuarhu tsipa jimbo ka jimajkani jameri engaksi k'amakuka iamindu kategoriacha engaksi xani karakurhika ka Comité Organizadoricha localirhu anapucha pitarhutati. Ka etapa nacionaliri ukurhiti **10 ka 13 jurhitikua jameri febrero jimbo ueurhini 2022.**

## V.- Iumurhu

### DEBATIHA UKURHIKUARHU KA KEJTATAKUACHARHU

Andaperakua localirhu anapucharhu, inchamukuticha nanaka ka tatakacha mamarhu jarhati kategorachari, tsimadani kungurhintatiksi para jupiperani uandotskurhikuarhu etapa k'ejtatakuacharhu, engu ambe ma k'uiripu jindijku pakaraka jauati ma arhiiperakua tanimu k'uiripuri, jima tsimani k'uiripucha majku jukaparhakuacha jatsiti. Debatichari ukurhikua kurhagupati ka chungumani ini ambe:

1. Antire uenakurhini arhiiperakua, ukurhiti sorteo ma pari xeni necha p'itaranchasingui ini xanharu jimbo.
2. Tatsikua sorterinhati nani engu na ukurhika, uetarhisindi uandani esika ne engu sandaru sesi pitakuka ima uenati debatirhu.
3. Ka tatsikua, ukurhiti ia sorteo ma pari xeni amberisi uandotskurhinha debatirhu.

Mandani uandotskurhitarhu, inchamukuticha utiksi tanixanharuchani uandani, iumu, t'amu ka tanimu motsikuacha jimbojku, ka juraducha intskuuati calificación 1 engu sanitu pitakuka ka 10 engu sandaru kanikua pitakuka mandani rondacharhu. Inde puntucha kuparhatapanhati, ka inchamukuticha nanaka ka tatakacha enhaksi sándaru kanikua pitakuka nitamatiksi mataru rondarhu.

Uetarhisidi arhini esika; primer, segundo ka tercer lugar mengu arhinhakaksi ka ima engu nitamaka o karharaka mataru kategoriacharhu puntaje jimbouati. Na engu xanharu p'itaranchaka uandotskurhini, isi uati na engu xani uanikua o namunuti inchamukunha mandani kategoriacharhu.

Eta etapa nacionalirhu uadatskurhikuarhu xanku isi ukurhiti esika na ukurhika localirhu joperu uti uinharantani sandaru, jorhengerhikua jimbo, uandotskurhikua jimbo ka ukua jimbo.

## VI.- Kuimurhu.

### AMBENGARI UANDOTSKURHINHAKA

1. ¿Uetarhisingui indigenachari ka afromexicanuchari niatakuecha, pari inchamutauani elección popularicharhu comosika candidato ma,, partido politicarhu?
2. ¿Nari eratsisingui, sesisiki o no sesisiki, esika ireta p'urhepechachari juramukua, engu iasi ukurhini jaka pari juramuticha jatsintauani janguacha ka p'indekuacha jimbo, ka ini jasi juramukua jimbo nacionini jarhotani?
3. Ireta p'urhepechacharhu utasi jarhasti p'indekuacha engaksi no j'okurhijka juramukua engu nanakachani kuajpiuatjka jimboisi xani nanaka sapirhatku uambuchataranhajitiksi. Uetarhisindi esikas estadu inchamukuka pari kuahukuni indeni jasi uandantani fuerza pública jimbo ka juramukua jimbo o arhistatspini educación sexualiri ambe.
4. ¿Xesingui esika Estado Mexicano jatsiusaika mamaru jarhati uratarakuechani ka tumina ambe pari kuajchakuni ka kanarantani orheta anapu iretarari uadakuachani, isi esika na uandajka Constitucióni Federali?
5. ¿Mexicu intspixaki sesi irekurhikua ka eratsikua tataka ka nanaka sapirhatichari, tumbi ka uatsichari, pari ts'inde majku jandu ka majku jasi jimbo irekurhini juni pari orhepeni?
6. ¿Nari eratsisingui, esika redes social arhikatacha, ixi mexicu sesi marhosinga para k'uiripuchani inchamutauani engaksi mengu no ambema kangurhija, esika marhosinga kejtatauani eratsikuachari eranhikuechani engaksi mekanda perauajka mataru k'uiripucha jingoni o mendaruni marhosinguisi, sandaru kanarasingui no sesi arhiiperakua ka no sesi kamperakua ambe jingoni?

P'IMARHIKUA  
INCHAMUKUTICHARI

# ANDAPERAKUA NACIONAL DE DEBATE INTERCULTURAL KA COLECTIVO

INTERNET JIMBORI 2021

P'IMARHIKUA  
INCHAMUKUTICHARI



**BIENESTAR**  
SECRETARÍA DE BIENESTAR



7. ¿Mexiku anapu Gobiernu sesi kuarhukuxaki pandemiani ka iamindu uandandhitachani enga ukurhika Sars-Cov2 jimbo?

8. ¿Mexiku anapu Gobiernu sesi kuarhukuxaki narcotrafikuri uandandhitachani ambeni ka crimen organizaduri amberini?

9. ¿Mexiku anapu Gobiernu sesi usiki, NAICMni kuarhukutini ka Aeropuerto Internacional Felipe Angelesini uni?

10. ¿Mexiku anapu Gobiernu sesi iratsisiki isi jurajkukuni ejercitu mexicanuni pari ima uuanu mamaru jarhati kantsakata jukaparhakuachani esika; Tren Mayani o Aeropuerto Felipe Angelesirini?

11. ¿Uandasingui esika Treni Mayari kantsakata, kanikua kichikuani pasinga parhakupini anapu ambanhasikurhikuani ?

12. Uinhamu mojtakukua engaksi iamindu paisicha sesi jandikuarhu anapucha uekajkaksi ukurhini energia renovablichani, ka refinera enga tsimopurhu uerajka ka Deer Park piakata ¿sesi marhoua pari juchari pais mexiku uni juramukurhini ka mamaru jarhati uetarhinchakuechani atarhukuani?

13. ¿Nanakachari kuajpitarakuacha enga sesikua intskuuajka pari ts'ima eratsikurhini ambe engaksi uekaka urani imachari anhanhastakuani, i kuajpitarakuacha jarhojpusingui pari tataka ka nanakacha sesi pajperani?

14. ¿Mexiku anapu Estadu jarhojpusingui pari k'uiripucha majkuni sesi arhijperani indigenacha ka afromexicanucha?

15. ¿Tu uandasingui esika sesi jarhasika o no ambe, reforma eléctrica jimbo, enga Ejecutivo Federal uekajka uni. ¿andi?

16. ¿Nari uandasingui esika política uerakuacha anapu mexicanuri, Cuba anapu ka Venezuela anapu sesi marhosingui?

## VII.- lumu tsimanirhu. AMBE ENGA JIMBO JATSIKUNHAKA

Etapu localirhu ka nacionalirhu arini andaperakuarhu jatsikutarauacha uandostkurhikuarhu apucha, majku jarhatiatuksi, isi esika na uandajka formato único jatsikutarakuari (**Formato jatsikutarakuari**)

Pari jarhengerhini etapu nacionalirhu ambe, uetarhisidi esika inchamukuti tataka ka nanakacha keskuka Manual Operativo de Debate Intercultural ka Colectivo, (**Manual Operativurhu**) jimbo i jidesti jarhojpitarkua debatichari pari sesi xirik'asi pani, sesi ukata ka janhanharhipariuani iamindu ambe engaksi xani uaxastaka ia academikucha, esika na uetarhijka Debate politikurhu.

Antire uenakurhini debati, nanaka ka tatakacha inchamukuticha uetarhiti esikaksi intskuka juraduni ma copia nani engaksi jarhengerhika pari uni imachari karakatani engaksi urani jauaka debatirhu. Pari ideni jasini uni uetarhiti urani eranhikua mani enga arinhajka (**Formato fuente de referencia**) enga no inspinhaka, no uti inchamukuni.

Etapu nacionalirhu, nanaka ka tumbicha inchamukuti andaricha, uetarhiti nirani iamindu anchikurhikuacharu esika na uandajka kaskukua, engaksi no niuaka Comité Organizador Nacional eianketi esika petamutanhantasiaka ia.

## VIII.- lumu tanimurhu. ANDAKUA

Iamindu inchamukuticha intsinhati Constancia ma, ichamukukuari etapu estataliri, andaperakuacha Nacional de Debate Intercultural ka Colectivuri.

Tataka ka nanaka primer lugariri andaricha ixi andaperakuarhu, manda kategoriarhu anapucha etapu localirhu, juramukua kangurhitiksi pari nirani imachari estaduchani jimbo, etapu nacionalirhu, enga ukurhika 10 jurhitikua ka 13 jurhitikua jamberi febrero jimbo ueurhini 2022. Enga ambe campeni ueraka tataka o nanaka uti mendaru inchamukuni mataru ueurhini jimbo enga mendaru ukurhika.

Tanipurhu orheta andaricha mandani categoriaricha, pakurhitiksi ini intsimperatachani:

ANDAKUA	
Orheta anapu andakua, mandani categoriari	\$ 3,000, enga tarjetarhu jataka pari libru ambe piarani.
Tsimanirhu anapu andakua, mandani categoriari	\$ 2,000, enga tarjetarhu jataka pari libru ambe piarani.
Taimurhu anapu andakua, mandani categoriari	\$ 1,000, enga tarjetarhu jataka pari libru ambe piarani.

## IX.- lumu t'amarhu IAMINDU AMBERI

1. Andaperakuarhu inchamukukua uetarhisindi jiojurhini iamindu ambe enga na uetarhijka. Ka jimbo, Comité Organizador Nacionalicha kurhanguntskua jatsiti, jimoka inde juramukua kangurhisinga pari sesi pentani ambe enga no jataka ini p'imarhijpitarakuarhu.

2. Inchamukuticha nanaka ka tatakacha egaksi no sesi intsika iamindu xiradachani noksi uti inchamukuni, jimbo indecharihijusti esikaksi sesi intspika xirandachani.

3. No jiojurhinhati tatsikua anapu karakurhikatacha, jimbo uetarhisindi janhanharhiuani imachani engaksi karakurhika jimajkani ka inspini iamindu ambe esika na uetarhijka.

4. Tumbi ka uatsicha engaksi karakurhika sandaru etapacharu localirhu anapucharhu, petamutanhantaksi andaperakuarhu.

5. Andaperakuacha, ainkpeti sesi jimbo na jatnimindua ka uaxastati k'uiripuchari juramutarakuchani imachari engaksi no ujka xanharani ka kurhani ambe, orientación sexualiri ambe, tatakakua ka nanakakuari ambe, tumbi ka uatsicha ireta p'urhepechacharu anapucha, jarhojpitari ts'inde sandaru jarhengerhini ka uni imani ambe engaksi marhokuuaka pari ambarhati k'uiripini ka sesi p'ikuarherani.

## X.- Tembinirhu NO JIAPINHITSKUECHA KA AMBE ENGA UETARHIJA

P'imarhikuarhu jatsinharhikunhasti mamaru ambe pari p'ikuntani no jiapinhitskua ambe ka eratsikuachani ambe; isi erokaparini esika jarhojpitari anchikurhika jimbo pari kurhutapani sandaru sesi jalkuni ini eratsikuani enga iasi uenakurhini jaka.

Dirección de Bienestar y Estímulos a la Juventud: Serapio Rendón No. 76, Col. San Rafael, Alcaldía Cuauhtémoc, C.P. 06470, Ciudad de México. Tel. (55) 1500 1300 ext. 1340.

## XI.- Tembini marhu CRONOGRAMA ANDAPARAKUARI

Cronograma de concurso estatal debatiri	Periodo
P'imarhijperakuari etsakukua inchamukutichari tataka ka nanakachari, ka mataru k'uiripuchari engaksi uekajka inchamukuni Juradu ambe ukurhini, imani página institucionalirhu ka redes socialirhu isi Comité Organizador Interinstitucionalirhu	10/12/2021 al 21/01/2022 43 jurhitikua
Na enga jatini uetarhijaksi karakurhini k'uiripucha engaksi uekajka inchamukuni andaperakuarhu, utiksi karakurhini ini liga jimbo <a href="https://forms.gle/ZayqJ6kg1uzfRPPa6">https://forms.gle/ZayqJ6kg1uzfRPPa6</a>	10/12/2021 al 23/01/2022 45 jurhitikua.
Uandostkurhikua iamindu k'uiripuchari engaksi xa inchamukuka iasi ka mataru ueurhikua isi inchamukuticha.	24 al 28 de enero de 2022 notki mitikurhisindi jurhitikua
Arhistatsparakuacha na engaksi uraka internetirhu anapu ZOOM, iamindu inchamukuticha tataka ka nanakacha.	28/01/2022 1 jurhitikua
Na enga jatini ukurhikas "andaperakuacha Debate Interculturaliri ka Colectivuri 2021"	29/01/2022 1 jurhitikua

## XII. Tembini tsimanirhu AIANKPERATA NANI ENGAKSI XEKA MITITARATSKUARI AMBE

El aviso de privacidad se podrá consultar directamente en: [https://www.gob.mx/aviso\\_de\\_privacidad](https://www.gob.mx/aviso_de_privacidad)

P'IMARHIKUA  
INCHAMUKUTICHARI